



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Elogia Patriarcharum, Et Christi Jesu Dei Hominis.
Emanuelis Thesavri Patritii Taurinens. Et Aloysii Jvglaris è
Societate Jesu**

Giuglaris, Luigi

Francofvrti, 1684

Iudæ ejus Proditori Epitaphium. 82

urn:nbn:de:hbz:466:1-38349

Hieroglyphica Victoriae suae

Illi non alia,

Quam sanguinis sui notas appinxit,

Diminutam si videris,

Contabuiffe illam

Ex Auctoris sui miseratione ne dubita;

Ante alios scissus hic lapis,

Quae saevissimae conscius lanienae

Eum multo ante quam moreretur

Mortuum vidit.

Columnae huic quamdiu innixa sis, Roma,

Securitatis, & fortitudinis

Mundo symbolum fies.

Spera tamen & hoc Clavos ex penu,

Quos versatili Sortis tuae

Obicem figas.

Illi quidem olim

Sub-incude, & malleo Clavi fuerant;

Ex quo tamen in Herculis Nostri manu s veneti

Domitores Monstrorum

Jam non Clavi, sed Clavae sunt.

Verti illos in fræna si videris,

Metamorphosim ne stupeas.

Fuere & olim fræna in illius manu,

Qui Erubum mortemque frænavit.

Columna non integra, sed fracta, ut habetur ex historiis.

Fortitudo, & securitas in nummis antiquorum exprimitur saepe per mulierem columnam innixam, ut apud Ant. Aug. videre potes.

Clavi Christi non uno omnes in loco. Baron. tom. I.

Clavus Christi in frenum efformatus vifitur Mediolani in templo maximo.

ELOGIUM LXXXII.

JUDAE EJUS PRODITORI EPI-
TAPHIUM.

Loculus etiam accipitur pro iis, quos habebat Judas, & pro loco in quo conduntur mortui.

Melius erat ei, si natus non fuisset. Sciebat enim Judas, qui tradebat eum, locum; aliud vero non dicitur servisse.

Hunc unum quia non praevidit loculum Judas,

Tam multos habuit.

Ejus initia ne quaere.

Quaecunque fuerint, honestate finē non possunt.

Primum illi beneficium non nasci,

Proximum, non agnosci.

Sub disciplina Veritatis professus artē mentiendi

Præceptoris exercere tolerantiam melior,

Quam propagare doctrinam,

Vix aliud ab illo didicit, quam ut locum sciret.

Ubi

Ubi minori quidem frequentia,
Majori tamen contumelia proderetur.
Promptior Miracula patrare, quam credere,
Dæmonas fugavit aliquoties, fugit nunquam.

Admisit in animo,

Quos excluderat à Corporibus,
Et quo sibi vacarent Ministri scelerum
A vocavit ab illis auctores pœnarum.

Melior peculii custos, quam fidei,
Ut servaret non sua, se ipsum perdidit.
Paupertati patrocians, quam odisset,
Quia facilius spoliare pauperes poterat
Ditari pauperes voluit.

Mercis suæ pessimus Nundinator

Ex avaritia prodigus,

Quem justis æstimatoribus
Vendere diffideret quanti valeret,
Neglecturis vendidit, quanti vellent.
Cum nemo magis indigeret unguentis,

Quam cui tam male olebat anima,
Emerere quæ debuerat, vendere voluit,
Ideo solum, quia vendi potuerant.

Pedibus ablutis impurior,

Minis intentatis securior,

Ubi vita, & ferculum, & poculum foret

Conviva Mortis

Intincto pane monitus, non detectus,
Vix ipse credidit scelus suum cum prædiceretur.

Vix erubuit, cum patrarer.

A Magistro discedens majori perfidia rediturus,

Cæcitatem laternis prodens,

Non juvans,

Surgendo lapsus est gravius,

Quam cadendo.

Ignorum se reputans:

Quia quod non erat vocatus.

Charitatem interpretatus ignorantiam,

Bellum præludio pacis indixit.

Amoris armis abusus ad odia,

Salutem quam voce dederat,

H 5

Manu

*Vide Raynaud. in
Iuda: multi enim
volunt Iudam pa-
trasse miracula, sed
& ceteri.*

*Poterat unguentis
istud venundari, &
dari pauperibus.*

*Quid vultis mihi
dare: & ego cum
vobis tradam.*

*Tota ratio, cur vene-
di debuerit, erat,
quia poterat un-
guentum hoc ve-
nundari.*

*Opinio multorum,
Iudam accepisse
Eucharistiam.*

*Nunquid ego sum
Rabbi?*

*Surrexit enim, ac si
Christus non vide-
ret, arcanum sus-
cordis, cum adhuc
ab eo se vocari
audivisset amicum.*

*Conjuxit se Christo
per amplexus, &
oscula.*

*Fuit hic Malchus
cujus abscidit Pe-
trus Auriculam.
Possedit agrum de
mercede iniquita-
tis.*

*Tradunt enim Ar-
borem antea fec-
undam, Iuda su-
spendio sterilem fa-
ctam. Baron. Ann.
34. Christi.
Ideo crepuit me-
dium.*

*Alludit ad illud
Petræ scissa sunt,
& sic monumenta
aperta sunt.*

*Pingitur hæc in-
scriptio in Templo
Taurini, ubi asser-
vatur Sanctissima
hæc Christo Sin-
don.*

*Alludit ad tabel-
las appendi solitas
in templis B. Vir-
ginis, & aliorum
Sanctorum.*

*Pictura hæc Christi
ad instar umbra.*

Manu deseruit,
A nullo magis se junctus,
Quam ab eo ipso, quem stringeret,
Majori miraculo aures occlusit,
Quam alter recuperavit.

Turpius pœnitens, quam peccasset,
Expertus facilius vendi Deum,
Quam redimi,

Peregrinis paravit tumulum, laqueum sibi,
Idem suæ ultor perfidiæ, qui & Author.

Ubere illius fructus
Sterili collegit in Arbore;

In nullo magis injurius Præceptorum,
Quam quod illi veniæ voluptatum invident.

Integritas nulla cognita vivo,
Nulla debita mortuo.

Lapidea illi fuerit viscera;

Quidne ergo cū Petræ scissæ sunt, rumpentur?

Patescentibus cæteris,

Ipsam etiã impietatis monumentum apertum est,

A Mercatore tam malo

Disce, Viator, emere, disce vendere.

ELOGIUM LXXXIII.
AMOREM SUUM COLORAT
IN SINDONE.

Tabellam, quam vides,

Viator,

Naufragus Dei filius

Vovit Patri.

Perfunctus periculo, voti memor,
Exaratam sumptibus suis historiam

Æternam eidem Anathema

Hoc in templo suspendit.

Caveto, ne quid de illa perperam judices;

Latet & suus

Hanc Apelles post tabulam.

Obscura lineamenta si sunt.

Videri voluerant è sepulcro venisse.

Agnosce